



ՀԱՎԳԻՏՈՒԹՅԱՆ
ԵՒ
ԱԶԳԱԳՐՈՒԹՅԱՆ
ԻՆՍՏԻՏՈՒՏԻ
ԱՇԽԱՏՈՒԹՅՈՒՆՆԵՐ

5

NATIONAL ACADEMY OF SCIENCES, RA
INSTITUTE OF ARCHAEOLOGY AND ETHNOGRAPHY

PROCEEDINGS OF THE INSTITUTE
OF ARCHAEOLOGY AND ETHNOGRAPHY
HAIA-5

НАЦИОНАЛЬНАЯ АКАДЕМИЯ НАУК, РА
ИНСТИТУТ АРХЕОЛОГИИ И ЭТНОГРАФИИ

ТРУДЫ ИНСТИТУТА
АРХЕОЛОГИИ И ЭТНОГРАФИИ
ХАИА-5

YEREVAN
IAE PUBLICATION 2023
ЕРЕВАН
ИЗДАТЕЛЬСТВО ИАЭ 2023

ՀՀ ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱ
ՀՆԱԳԻՏՈՒԹՅԱՆ ԵՒ ԱԶԳԱԳՐՈՒԹՅԱՆ ԻՆՍՏԻՏՈՒՏ

ՀԱԽԱ - 5

ՀՆԱԳԻՏՈՒԹՅԱՆ
ԵՒ
ԱԶԳԱԳՐՈՒԹՅԱՆ
ԻՆՍՏԻՏՈՒՏԻ
ԱՇԽԱՏՈՒԹՅՈՒՆՆԵՐ

5

**Տպագրվում է ՀՀ ԳԱԱ Հնագիտության և ազգագրության
ինստիտուտի գիտական խորհրդի որոշմամբ**

**Published by decision of the Scientific Council of the Institute of
Archaeology and Ethnography, NAS RA**

Խմբագրական խորհուրդ

Գլխավոր խմբագիր՝ Արսեն Բոբոկյան

Գլխավոր խմբագրի տեղակալ՝ Տորք Դալալյան

Խմբագրակազմ՝ Լևոն Աբրահամյան, Պավել Ավերիսյան, Ասրղիկ
Բաբաջանյան, Ռուբեն Բադալյան, Միհրան Գալստյան, Ջուսյո Թրախնա,
Թեո վան Լինթ, Լորի Խաչատրյան, Ռուբեն Կարապետյան, Թամար
Հայրապետյան, Արսեն Հարությունյան, Սուրեն Հոբոսյան, Հարություն
Մարտյան, Համլեր Պետրոսյան, Գագիկ Սարգսյան, Ադամ Սմիթ,
Նվարդ Վարդանյան (պատասխանատու խմբագիր),
Պարթիկ Տոնապետյան, Պիրեր Քաուի

Editorial Board

Editor-in-Chief: Arsen Bobokhyan

Vice-Editor-in-Chief: Tork Dalalyan

Editorial Stuff: Levon Abrahamian, Pavel Avetisyan, Astghik Babajanyan, Ruben
Badalyan, Peter Cowe, Patrick Donabédian, Mihran Galstyan, Arsen Harutyunyan,
Tamar Hayrapetyan, Suren Hobosyan, Ruben Karapetyan, Lori Khatchadourian,
Theo van Lint, Harutyun Marutyan, Hamlet Petrosyan, Gagik Sargsyan, Adam Smith,
Giusto Traina, Nvard Vardanyan (Managing editor)

ՀԱԻԱ պարբերականի հերթական՝ 5-րդ հատորն ընդգրկում է Հնագիտության և ազգագրության ինստիտուտի, ՀՀ ԳԱԱ Շիրակի հայագիտական հետազոտությունների կենտրոնի, Հայաստանի պատմության թանգարանի, «Էրեբունի» պատմահնագիտական արգելոց-թանգարանի և այլ հիմնարկների հետազոտողների գիտական հոդվածներ, որոնք վերաբերում են հնագիտության, ազգագրության, մշակութային մարդաբանության և բանագիտության՝ մինչ օրս չուսարանված զանազան հիմնախնդիրների քննությանը: Որոշ հոդվածներ ունեն միջգիտակարգային բնույթ և շոշափում են նաև լեզվաբանական, արվեստաբանական հարցադրումներ: Համարն ընդգրկում է նաև գիտական հաղորդումներ և հոբելյանական հոդված:

ISSN 2953-805X

DOI:10.54503/2953-805X

© ՀՀ ԳԱԱ Հնագիտության և ազգագրության ինստիտուտ, 2023

ԲՈՎԱՆԴԱԿՈՒԹՅՈՒՆ

I. ՀՈՒՆԱՐՁԱՆՆԵՐ ԵՒ ԳՏԱԾՈՆԵՐ	7
<i>Քենիկ Վարդանյան</i>	
Կուր-արաքսյան միջագետքի բրոնզ-երկաթեդարյան կետերը	8
<i>Հենրիկ Դանիելյան</i>	
«Կիլիկյան» ամրոցների ֆենոմենը՝ Արագածի հարավային լանջերի ամրոցների օրինակով	26
<i>Լևոն Մկրտչյան</i>	
Արարատյան դաշտի հյուսիսում գտնվող աշտարակատիպ կառույցները	37
<i>Արմինե Գաբրիելյան</i>	
Արցախի Տիգրանակերտի անտիկ դրոշմագարդ խեցեղենը	45
<i>Ռուզան Փալանջյան</i>	
Անտիկ ժամանակաշրջանի գինեգործությանն առնչվող հնագիտական գտածոներ Վայոց ձորից	57
<i>Դիանա Միրիջանյան</i>	
Հայաստանի միջնադարյան քարե տապանները	66
<i>Արսեն Հարությունյան</i>	
Տաթևի մեծ անապատի վիմագրական ժառանգությունը	76
II. ԱՎԱՆԴՈՒՅԹ ԵՒ ԱՐԴԻԱԿԱՆՈՒԹՅՈՒՆ	95
<i>Նվարդ Վարդանյան</i>	
Ավելը (ցախավելը) ծիսահավատալիքային համատեքստում. ավանդույթի հարատևումը մեր օրերում	96
<i>Սմբար Հակոբյան</i>	
Մահը հայկական ֆեյսբուքում. ավանդական, մոդեռն, թե՛ պոստմոդեռն սուգ	109
III. ՊԱՐ ԵՒ ԾԵՍ	123
<i>Նարինե Շամանյան</i>	
Պարերը Վայոց ձորի հարսանեկան արարողություններում (ավանդույթ և արդիականություն)	124
<i>Հայարիկ Անանյան</i>	
Իրանահայերի չուբբազի (փայտախաղ) և դաստմալբազի (թաշկինակներով պար) պարերը ծիսական և կենցաղային միջավայրում	137

IV. ԲԱՆԱՅՑՈՒԹՅՈՒՆ ԵՒ ԼԵՉԱՄՇԱԿՈՒՅԹ	149
<i>Սամվել Ռամազյան</i> Քաչալ Համգա. ընդհանուր կերպար հայկական և թյուրքական էպոսներում	150
<i>Հասմիկ Մարիկյան</i> Օրորոցի լեզվամշակությամբ դրսևորումները հայ իրականության մեջ (անգլալեզու նյութի համադրմամբ)	172
<i>Լուսինե Ազեկյուշ</i> Երևան քաղաքի ուսանողության լեզվական վարքագիծը և միջմշակությամբ հաղորդակցումը	182
V. ՊՈԼՍԱՅԱՅՈՑ ՀԻՄՆԱԽՆԴԻՐՆԵՐ	195
<i>Սարվինե Մարկոսյան</i> Ներհակությունները պոլսահայ համայնքում. արևմտահայերի ազգային սահմանադրության հաստատման շուրջ (1856–1863 թթ.)	196
VI. ՀԱՂՈՐԴՈՒՄՆԵՐ	207
<i>Մարիամ Մարիբեկյան</i> Հառիճի հնագիտական հուշարձանի ուսումնասիրության պատմությունից	208
<i>Յարութին Խաչատուրեան</i> Խաչքարերի ուսումնասիրության մեթոդաբանական ակնարկ	214
VII. ՄԵՐ ՀՈԲԵԼՅԱՐՆԵՐԸ	225
<i>Արման Մադոյան</i> Հակոբ Չոլաքյան - 75	226
ԼՈՒՍԱՆԿԱՐՆԵՐ ԵՒ ԳԾԱՊԱՏԿԵՐՆԵՐ	233
ՏԵՂԵԿՈՒԹՅՈՒՆՆԵՐ ՀԵՂԻՆԱԿՆԵՐԻ ՄԱՍԻՆ	276

ՀԱՅԳԻՏՈՒԹՅԱՆ
ԵՒ
ԱԶԳԱՅՐՈՒԹՅԱՆ
ԻՆՍՏԻՏՈՒՏԻ
ԱՇԽԱՏՈՒԹՅՈՒՆՆԵՐ
5

I

ՀՈՒԾԱՐՁԱՆՆԵՐ
ԵՒ ԳՏԱԾՈՆՆԵՐ

ԱՐԱՐԱՏՅԱՆ ԴԱՇՏԻ ՀՅՈՒՄԱՆՈՒՄ ԳՏԵՎՈՂ ԱՇՏԱՐԱԿԱՏԻՊ ԿԱՌՈՒՅՑՆԵՐԸ

Խնդրո առարկա գոտին զբաղեցնում է ՀՀ Արագածոտնի և Արմավիրի մարզերի միջև ձգվող ժայռոտ բլրակներով տարածքը: Հուշարձաններով հարուստ այս հատվածը միշտ եղել է ուսումնասիրողների ուշադրության կենտրոնում, որտեղ հետազոտվել են մ.թ.ա. 3-րդ–1-ին հազ. վերաբերող բազմաթիվ հուշարձաններ: Այս ժամանակաշրջանի հնագիտական միջավայրը ձևավորող դամբանաբլուրների և քարաշարերով առանձնացված դամբարանադաշտերի հետ կան նաև աշտարակատիպ կառույցներ, որոնք առանձին ուսումնասիրության չեն ենթարկվել: Այս կառույցները առանձին՝ իրար հետ տեսողական, հաճախ նաև քարաշարերով կապված համալիրներ են, որոնք հուշարձանների պետական ցանկերում հանիրավի վկայագրվել են որպես «դիտակետ-աշտարակներ»: Աշտարակների մոնումենտալությունը (կառուցված են խոշոր կոպտատաշ քարերով), դիրքը (բլրի գագաթ), հնագիտական համատեքստը (դամբարանային միջավայր) ավելի շատ փաստում են դրանց ծիսապաշտամունքային նշանակության մասին: Պատահական չէ նաև այն հանգամանքը, որ աշտարակները ճարտարապետատեխնիկական մանրամասնություններով նման են բրոնզեդարյան քարե զրահով դամբանաբլուրներին: Հետևաբար այս հուշարձանները կարող են դառնալ հին Հայաստանի վաղագույն ճարտարապետության և աշխարհայացքային խնդիրները հասկանալու կարևոր սկզբնաղբյուրներ: Աշտարակների նորագույն ուսումնասիրությամբ, որը կատարվեց ժամանակակից տեխնոլոգիաների կիրառմամբ (օդալուսանկարահանման միջոցով), պարզ դարձավ, որ Արարատյան դաշտի հյուսիսային եզերքով ձգվող աշտարակների շարքը մի ընդհանուր համակարգի մաս է՝ օրգանապես կապված այս հատվածի սրբազան լանդշաֆտի այլ բաղադրատարրերին: Այստեղի աշտարակները միաշար, բոլորավուն հիմքով և կտրվածքում հատած կոնի տեսք ունեցող կառույցներ են, որոնք փոխվում են դեպի հյուսիս՝ Արագածի ավելի բարձրադիր լանջերի հավաստված օրինակներում:

Հիմնաբաներ՝ Արագած, Արարատյան դաշտ, սրբազան լանդշաֆտ, մեգալիթ, աշտարակ, ծես, դամբարան, դամբարանադաշտ:

Ներածական

Արարատյան դաշտի հյուսիսային հատվածները, որոնք անցրդի առապարներով տարածքներ են և ժողովրդի մեջ առավել տարածված են «դոներ» անվամբ, հարուստ են հնագիտական կառույցների մնացորդներով: Դաշտի գրեթե ողջ աղեղնագիծը «մշակութացված» է: Ի թիվս այլ հուշարձանների, այս գոտում առ այսօր վկայված են 31 բոլորաձև աշտարակներ¹, որոնց տարածման տիրույթը հիմնականում համընկնում է ՀՀ Արմավիրի մարզի Էջմիածնի ենթաշրջանի հյուսիսային գյուղերի և Արագածոտնի մարզի Արագածոտն գյուղի

¹ Հայաստանի աշտարակատիպ կառույցների մասին տե՛ս Մկրտչյան 2017ա, 298–317; Մկրտչյան 2018, 69–77; Մկրտչյան 2018ա, 357–365:

վարչական տարածքներին [նկ. 1]: Աշտարակները գտնվում են սկսած ծ.մ. մոտ 900 մ բարձրությունից [նկ. 2, 3], իսկ դրանց սփռման աղեղնագծի երկարությունը մոտ 40 կմ է՝ սկսած Հայթաղից մինչև Մերձավան 1 աշտարակը:

Այս գոտու աշտարակների ուսումնասիրության պատմությունը պայմանականորեն կարելի է բաժանել մի քանի փուլերի.

ա. Հուշարձանների առաջին ուսումնասիրողներ Թ. Թորամանյանը և Ա. Քալանթարը 1920-ական թվականներին Աղաձևատան «օյուղի» (Աղաձևատուն 1) ու Դաշտ գյուղի մոտ գտնվող Արդար Դավիթ աշտարակների քննությամբ դրանք համարեցին պաշտամունքային շինություններ²:

բ. Քալանթարի տեսակետը քննադատեց Խ. Սամվելյանը և Արդար Դավիթը համարեց ամրոց³:

գ. Հետագայում այս հուշարձանները 1980–1991 թթ. վկայագրվեցին հիմնականում որպես «դիտակետ-աշտարակներ»⁴:

դ. Սակայն 1963 թ. (Գ. Տիրացյան)⁵, ապա՝ 2012 թ. (Ֆ. Մուրադյան)⁶ Մերձավան 1 (նախկինում՝ Փարաքար) աշտարակի պեղումները, ինչպես նաև 2016–2019 թթ. այստեղ աշտարակների և նրանց դամբարանային համատեքստի մեր համալիր ուսումնասիրությունը կրկին թույլ տվեցին խոսել այս հուշարձանների պաշտամունքային գործառնությունների մասին:

Ուսումնասիրության թիրախում էին հետևյալ խնդիրները.

ա. Աշտարակների նույնականացում՝ գրականությունից և արխիվներից քաղած բոլոր տվյալների համադրումը դաշտային ուսումնասիրության արդյունքների հետ:

բ. Տվյալների բազայի ստեղծում և գոտու քարտեզագրում՝ աշխարհագրական տեղեկատվական համակարգով (GIS):

գ. Քննվող օբյեկտների օդալուսանկարում, լուսանկարների հիմքի վրա աշտարակների օրտոֆոտոպլանների և տեղահանությունների կազմում:

Աշտարակների նկարագրությունը

Աշտարակները հատակագծում ունեն համակենտրոն շրջաններ, իսկ կտրվածքում հիշեցնում են հատած կոն [նկ. 4]: Կառույցները հիմնականում գուրկ են մուտքերից, բացի Աղաձևատուն 1-ից, չունեն ծածկ, իսկ խուցը ծածկված է քարերով, երևացող հատակը՝ գուրկ հողաշերտից: Աշտարակները կառուցվել են խոշոր կոպտատաշ բազալտի քարերով, որոնք ըստ շարվածքի լիսում են երկայնական և լայնակի: Երկայնական տեխնիկայով են շարված

² Թորամանյան 1948, 218–219; Քալանթար 2007, 202–203:

³ Սամվելյան 1931, 142–148:

⁴ Վկայագրումները կատարվել են ՀՍՍՀ մինիստրների խորհրդին առընթեր պատմության և կուլտուրայի հուշարձանների պահպանության և օգտագործման գլխավոր վարչության՝ հուշարձանների համահավաքի պատգորտավորման բաժնի կողմից, տես Մկրտչյան 2018 թ, 110–111:

⁵ Տիրացյան 1970, 229–231:

⁶ Մուրադյան 2012, 172–174:

Լեռնամերձ 2, Արագածոտն 1 աշտարակները [նկ. 5]: Սրանք շարված են խոշոր քարաբեկորներով (150×90 սմ) և ներսի հատվածում թեթևակի կորանում են: Այս աշտարակների ներսի և դրսի թափված քարերի քանակությունից կարելի է ենթադրել, որ կառույցները շատ բարձր չեն եղել՝ առավելագույնը 2 մ: Շարվածքից կարելի է ենթադրել, որ սրանք ունեցել են գլանաձև իրան: Լայնակի շարով աշտարակները (Այգեշատ 2) կառուցված են միջին մեծության քարաբեկորներով: Պարսպաշարը, դեպի վեր բարձրանալով, հավանաբար եղել է կոնաձև: Ներսի և դրսի թափված քարերով նախնական բարձրությունը դժվար է որոշել, թեպետ ամենալավ պահպանվածը Աղաժնատուն 1 (Օյուղ) աշտարակն է, որն ունեցել է ավելի քան 8 մ բարձրություն [նկ. 6]:

Հավաստված աշտարակները հանդիպում են ինչպես առանձին, այնպես էլ խմբերով: Առանձին գտնվող աշտարակները աչքի են ընկնում մոնումենտալությամբ (տեսանելի են բոլոր կողմերից, կառուցման կատարելությամբ (ընտրված շինանյութի և բնական քարաժայռի համադրությամբ) և խոշոր չափերով (Արշալույս 1՝ 10 մ, Ուլատիտիկ՝ 11 մ [նկ. 7,8] տրամագծերով): Այս աշտարակների համար նախապես պատրաստում էին քարային հարթակ (Արդար Դավիթ՝ մոտ 30 մ [նկ. 4], Մերձավան 1՝ 12 մ տրամագծերով)՝ շրջապատված կրոմեխով: Հարթակը, կրկին օղակված կրոմեխով, համակենտրոնության սկզբունքով նեղանալով բարձրանում էր (մինչև մեկ և ավելի մետր, Արդար Դավիթ, Մերձավան 1)՝ դառնում երկօղականի, որի ամենավերին մասում գտնվում էր բոլորածն աշտարակը:

Այս աշտարակների շուրջը բնակավայրերի հետքեր հիմնականում չեն նկատվում, դրանց մոտ կան դամբարանադաշտերի կուտակումներ, օրինակ՝ Մերձավանում հավաստված են բազմաթիվ միջին բրոնզեդարյան թաղումներ, Արդար Դավիթի անմիջապես հյուսիսային մասում թալանված խուց է: Հետաքրքիր է նաև Արդար Դավթի խցից հայտնաբերված 114×35×19 սմ չափերով կուռքը [նկ. 9]:

Աշտարակները կարող են լինել նաև խմբերով՝ կառուցված Արագածից իջնող լեռնաշղթաների վրա (մինչև 4 կառույց), իրարից մինչև 1 կմ հեռավորությամբ: Այսպիսին են Ոսկեհատի և Արագածի 4 աշտարակները: Որոշ դեպքերում աշտարակները գտնվում են նույն բլրի կամ բարձրադիր հարթության վրա՝ ինչպես Արագած 2, 3, Այգեշատ 1, 2, Նորակերտ 1, 2, 3: Վերջին երկուսը կապվում են նաև քարաշարերով: Արագած 2 աշտարակը ունի 33 մ տրամագիծ: Երևում են կրոմեխի և շառավղաձև պատերի հետքերը: Այստեղ աշտարակի համար նույնպես կառուցվել էր քարահողային լիցքով հարթակ, սակայն մի օղակով՝ թմբաձև, որի բարձրությունը 0,30–0,70 մ է, իսկ լայնությունը՝ 2,5–5 մ (Արագած 1):

Հայաստանի համակենտրոն շրջանակներով կառույցներն ու աշտարակները

Համակենտրոն շրջանակով կառույցները Հայաստանում ունեն խորը արմատներ: Հնագույնները թվագրվում են մ.թ.ա. 3-րդ հազ.: Սրանք թեպետ չեն դասվում մեգալիթյան կառույցների շարքը, սակայն բոլորն էլ փաստագրվել են որպես ծիսական բնույթի կառույցներ: Այդպիսին է Բջնիի դամբարանադաշտի մոնումենտալ կառույցը (հրապարակումներում՝ №2 դամբարան), որը եռամաս ներքին բաժանումով և աստիճանաբար վեր բարձրացող հարթակ է⁷: Թեպետ Ջրահովտի տաճարական համալիրը հում աղյուսով է կառուցված, սակայն այն նույնպես ուներ համակենտրոնություն: Սրա կենտրոնում մոտ 3 մ տրամագծով աղյուսակերտ սյունանման աշտարակն է, գագաթին՝ կլոր շարժական օջախ⁸:

Շառավղաձև պատերով կառույց է հիշատակվում նաև Քարվաճառի տարածաշրջանում (Արցախի Հանրապետություն, Տրոտու գետի ձախ վտակի վրա)՝ Ալի բայրամլի բրոնզեդարյան բնակավայրում⁹:

Համակենտրոն և ճառագայթաձև կառույցներ հավաստանշվել են նաև դամբարաններում: Ճառագայթաձև դասավորություն ունեին Ներքին Բազմաբերդի¹⁰ և Լճաշենի №55 (24–22-րդ դդ.) դամբարանների ծածկասալերը¹¹: Իսկ Արթիկի №422 դամբարանից հայտնաբերված գլանաձև կնիքին փորագրված են դեպի կենաց ծառը շարժվող գույգ թևատարած թռչուններ՝ գլխավերևում լուսատուի կամ երկնային ինչ-որ մարմնի՝ համակենտրոն գույգ շրջանագծերի նման խորհրդանշանով¹²: Հատկանշական է, որ համակենտրոն շրջանագծերով լուսատուի առկայությունը, ըստ Ա. Փիլիպոսյանի, կնիքի սյուժեին առասպելաբանական համատեքստ է տալիս¹³:

Համակենտրոն շրջաններ և ճառագայթաձև պատկերներ կան նաև ժայռապատկերներում, ինչպես Վարդենիսի լեռների ժայռապատկերներից մեկում, որտեղ, ըստ Հ. Մարտիրոսյանի, «արևի մեծ սկավառակ» է¹⁴: Նման հորինվածք է պատկերված Կորյուստանի մի ժայռապատկերի վրա¹⁵:

Ինչպես վերը նշվեց, Հայաստանի բրոնզ-երկաթ ժամանակաշրջանների մեգալիթյան աշտարակատիպ կառույցներին բնորոշ է համակենտրոն կառուցվածքը, որոնց կենտրոնական մասից հաճախ շառավղաձև քարաշարեր են իջնում դեպի օղակող հատվածներ: Արդար Դավթի աշտարակի կենտրոնից հաշ-

⁷ Ղարիբյան և այլք 2007, 71:

⁸ Խանգաղյան 2017, 13–14; Խանգաղյան 1990, 11–12:

⁹ Ибрагимов 1986, 25–26.

¹⁰ Արեշյան և այլք 1979, 222:

¹¹ Պետրոսյան 2013, 218:

¹² Хачатрян 1975, 157–158; Хачатрян 1979, 78, 296–297:

¹³ Փիլիպոսյան 2018, 121:

¹⁴ Մարտիրոսյան, Իսրայելյան 1971, 20:

¹⁵ Ахундов 1986, 80; Ибрагимов 1986, 25–26.

ված մոտ 15 մ շառավիղ է¹⁶։ Նման շառավղաձև լավ պահպանված պատեր առկա են նաև Արագածի հարավային լանջերի այլ աշտարակներում, ինչպես օրինակ Պարտիզակ 1 նորահայտ աշտարակը [նկ. 10]։

Բացի արհեստական հարթակով աշտարակներից, կան նաև առանձին հարթակներ, որոնց կենտրոնում աշտարակ հիշեցնող փոքրիկ կերտվածքներ են։ Էջմիածնի տարածաշրջանի Շահումյանի (Շրեշ բլուրի) դամբարանադաշտում այդպիսի համակենտրոն հարթակներ են №1 և 2 կառույցները, որոնց կենտրոնում պայտաձև (№1) և ուղղանկյուն (№2) հատակագծով փոքրիկ շինության հետքեր են, նկատելի են շառավղաձև պատեր¹⁷։

Վերջաբան

Մերձավան 1 աշտարակի պեղումները և աշտարակների հնագիտական համատեքստի ուսումնասիրությունը և վերլուծությունը թույլ են տալիս նորից անդրադառնալու Ա. Քալանթարի և Թ. Թորամանյանի այն տեսակետին, որ դրանք ծիսապաշտամունքային կառույցներ են։ Ընդհանուր միջավայրը, տեսողական կապը և միմյանց հետ քարաշարերով միացումը խոսում են մեկ միասնական համակարգի՝ «սրբազան լանդշաֆտի» առկայության մասին։ Այս համակարգը իր հերթին կազմված է ավելի փոքր միավորներից, աշտարակներից կամ դրանց խմբերից, որոնք հստակ զատված են բնակավայրերից և գտնվում են որոշ հեռավորության վրա։

Այսպիսով, Արարատյան դաշտի եզրային հատվածների ուսումնասիրությունը թույլ է տալիս պարզաբանելու Արագածի հարավահայաց լանջերի ամենացածրադիր հատվածի լանդշաֆտի մշակութայնացման խնդիրները, ինչպես նաև դաշտային և նախալեռնային հատվածների հնամշակութային փոխհարաբերությունները։

Գրականության ցանկ

ԱՐԵՇՅԱՆ և այլք 1979

Արեշյան Գ., Սիմոնյան Հ., Սարգսյան Գ., Քոչարյան Գ., Օհանյան Հ., Հայագիտական կենտրոնի 1977–1978 թթ. դաշտային հնագիտական աշխատանքները // Բանբեր Երևանի համալսարանի, 1979, № 2, 205–223։

ԳՆՈՒՆԻ և այլք 2017

Գնունի Ա., Թադևոսյան Ա., Մկրտչյան Լ., Շրեշ բլուր // «Մեծամորյան ընթերցումներ» I (Գիտական հոդվածների ժողովածու), Երևան, Պատմամշակութային արգելոց թանգարանների և պատմական միջավայրի պահպանության ՊՈԱԿ, 2017, 25–38։

ԽԱՆԶԱՐՅԱՆ 1991

Խանզադյան Է., Ջրահովտի պեղումների արդյունքները // ՀՀ-ում 89–90 թթ. դաշտային հնագիտական աշխատանքներին նվիրված գիտական նստաշրջանի զեկուցումների թեզիսներ (խմբ. Գ. Տիրացյան), Երևան, Հայաստանի ԳԱ հրատ., 1991, 11–12։

¹⁶ Մկրտչյան 2017, 111–116։

¹⁷ Գնունի և այլք 2017, 30–31։

ԽԱՆՁԱԴՅԱՆ 2017

Խանգաղյան Է., Ջրահովիտ // Հայաստանի հնագույն մշակույթը 3, Տ. Խաչատրյանի 70-ամյակին նվիրված գիտաժողովի նյութեր (խմբ. Ա.

Քալանթարյան, Ռ. Բադալյան), Երևան, «Մուղնի», 2017, 13–14:

ՂԱՐԻԲՅԱՆ և այլք 2007

Ղարիբյան Ի., Հակոբյան Հ., Գևորգյան Ա., Խաչատրյան Գ., Վարդանեսովա Տ., Բջ-
նիի հուշարձանները // Հուշարձան տարեգիրք, Երևան, «Հուշարձան», 2007, 67–83:

ՄԱՐՏԻՐՈՍՅԱՆ և այլք 1971

Մարտիրոսյան Հ., Իսրայելյան Հ., Գեղամա լեռների ժայռապատկերները,
Հայաստանի հնագիտական հուշարձանները 6, պրակ II, Երևան, ՀՍՍՀ ԳԱ հրատ.,
1971:

ՄԿՐՏՉՅԱՆ 2017

Մկրտչյան Լ., «Արդար Դավիթ». Առասպել և իրականություն // «Էջմիածին», 2017,
Է, 111–116:

ՄԿՐՏՉՅԱՆ 2017 ա

Մկրտչյան Լ., Հայաստանի բրոնզ-երկաթեդարյան աշտարակատիպ կառույցները
// «Մեծամորյան ընթերցումներ-1» (Գիտական հոդվածների ժողովածու), Երևան,
Պատմամշակութային արգելոց թանգարանների և պատմական միջավայրի պահ-
պանության ՊՈԱԿ, 2017, 298–317:

ՄԿՐՏՉՅԱՆ 2018

Մկրտչյան Լ., Նորահայտ աշտարակատիպ կառույցներ Արագածոտնի մարզում
// Արագածի թիկունքում, Հնագիտական հետազոտություններ նվիրված Տելեմակ
Խաչատրյանի հիշատակին (խմբ. Հ. Ավետիսյան), Երևան, «Գիտություն», 2018,
69–77:

ՄԿՐՏՉՅԱՆ 2018 ա

Մկրտչյան Լ., Հայաստանի աշտարակատիպ շինությունների ուսումնասիրության
պատմությունից // Լրաբեր հասարակական գիտությունների, Երևան, 2018, № 3,
357–365:

ՄԿՐՏՉՅԱՆ 2018 բ

Մկրտչյան Լ., Հայաստանի Հանրապետության տարածքի աշտարակատիպ հու-
շարձանների հաշվառումը և բնութագիրը // Հայագիտության հարցեր, 2018, № 3,
108–119:

ՄՈՒՐԱԴՅԱՆ 2012

Մուրադյան Ֆ., Արմավիրի մարզի Մերձավան գյուղի տարածքում իրականացրած
պեղումների հաշվետվություն (անտիպ), ՀՀ ԳԱԱ հնագիտության և ազգագրության
ինստիտուտ, Երևան, 2012, № 2, 215–233:

ՍԱՄՎԵԼՅԱՆ 1931

Սամվելյան Խ., Հին Հայաստանի կուլտուրան, հ. 1, Երևան, Պետական հրատ., 1931:

ՏԻՐԱՑՅԱՆ 1970

Տիրացյան Գ., Փարաքարի աշտարակաձև դամբարանը և նման հուշարձաններ
Հայաստանում և Առաջավոր Ասիայում // Բանբեր Երևանի համալսարանի, 1970,
№ 1, 229–231:

ՓԻԼԻՊՈՍՅԱՆ 2018

Փիլիպոսյան Ա., Տեսարանային հորինվածքներով հինմերձավորարևելյան և
միջերկրածովյան գլանաձև կնիքներն ու դրանց արթիկյան զուգահեռները // Արագածի
թիկունքում, Հնագիտական հետազոտություններ նվիրված Տելեմակ
Խաչատրյանի հիշատակին (խմբ. Հ. Ավետիսյան), Երևան, «Գիտություն», 2018,
114–126:

ՔԱԼԱՆԹԱՐ 2007

Քալանթար Ա., Հայաստան. քարե դարից միջնադար, Երևան, «Գիտություն», 2007:

АХУНДОВ 1986

Ахундов Д. А., Архитектура древнего и раннесредневекового Азербайджана, Баку, Азербайджанское гос. изд-во, 1986.

ИБРАГИМОВ 1986

Ибрагимов Н. С., К вопросу освоения высокогорных зон Азербайджана (на основе данных Келбаджарского высокогорья) // Археологическая и этнографические изыскания в Азербайджане 1985 году, Баку, «Элм», 1986.

ХАЧАТРЯН 1975

Хачатрян Т., Древняя культура Ширака, Ереван, Изд. Ереванского гос. университета, 1975.

ХАЧАТРЯН 1979

Хачатрян Т., Артикский некрополь, Ереван, Изд. Ереванского гос. университета, 1979.

Levon A. Mkrtchyan

Shirak Center for Armenological Studies

Service for the Protection of Historical Environment and Cultural Museum-Reservations

TOWER-SHAPED STRUCTURES BORDERING THE NORTHERN FRINGES OF THE ARARAT PLAIN

Keywords: Aragats, Aragats valley, sacred landscape, megaliths, tower, cult, burial, tomb field.

More than fifty megalithic towers have been identified in the studied area to date. The manifestation of their individual types, forms and other features, as well as their distribution area coincides with the natural landscape zone of this part.

The discussed area is a low-mountainous and dry zone of Mount Aragats (900–1200 m), part of the Aragatsotn plateau. The territory almost has no water sources and few remains of settlements, which make it resemble a "dead zone" with numerous tombs, where visible areas are separated by stone rows with towers and platforms standing in the center. Small settlements are located in their vicinity, in the lower plane (Voskehat, Haytagh, Arshaluys), are also distinguished from these complexes by the stone rows. There are exceptionally rounded towers here on the hills, located at a distance of 3–5 km from each other. The towers were first documented exactly in this area in the 1920s, when the Committee for the Protection of Monuments began to study the structures of the southern part of Aragats. Basing on the data of Aghavnadzor-1 and "Ardar David" ("Fair David") towers, T. Toramanyan and A. Kalantar tried to document and then identify the towers as a new type of monument. Noteworthy that at first both towers were considered places of worship, but later these monuments were identified as "watchtowers" and classified as defensive structures.

Since 2013, a new stage in the study of towers has begun. The first step was to collect all archival information about the monuments (about 70 documents), 20 of which were related to the area of our interest. After that, in the course of field work, the structures mentioned in the documents were identified and their location was established. Using the capabilities of modern technologies, with the help

of aerial photography, we managed to identify 31 monuments. Orthophotomaps, elevation and topographic maps were made on the basis of the obtained base images.

Левон Альбертович Мкртчян

Ширакский центр арменоведческих исследований

Служба по охране исторической среды и историко-культурных музеев-заповедников

БАШНЕОБРАЗНЫЕ СООРУЖЕНИЯ, ОКАЙМЛЯЮЩИЕ С СЕВЕРА АРАРАТСКУЮ ДОЛИНУ

Ключевые слова: Арагац, Араратская долина, сакральный ландшафт, мегалиты, башня, культ, погребение, могильник.


На исследуемой территории на сегодняшний день выявлено более пяти десятков мегалитических башен. Проявление их отдельных видов, форм и других особенностей, а также ареал их распространения совпадает с естественной ландшафтной зоной этой части. Обсуждаемый участок представляет собой низкогорную и сухую зону горы Арагац (900–1200 м), часть Арагацотнского плато. На территории мало источников воды и редкие остатки поселений, чем она напоминает «мертвую зону» с большим количеством гробниц, где видимые участки разделены каменными рядами со стоящими в центре башнями и платформами. Небольшие поселения расположены по соседству с ними, в нижней плоскости (Воскеат, Айтах, Аршалуйс), и также отличаются от этих комплексов каменными рядами. Здесь на холмах, на расстоянии 3–5 км друг от друга расположены исключительно округлые башни. Впервые башни были задокументированы именно в этом районе в 1920-х годах, когда Комитет по охране памятников начал изучать сооружения южной части Арагаца. На основе данных башен Агавнадзор-1 и Ардар-Давид («Справедливый Давид») Т. Тораманян и А. Калантар попытались задокументировать, а затем идентифицировать башни как новый вид памятников. Примечательно, что сначала обе башни считали культовыми сооружениями, но позже эти памятники были определены как «сторожевые башни» и отнесены к сооружениям оборонительного назначения.

С 2013 года начался новый этап изучения башен. Первым шагом был сбор всей архивной информации о памятниках (около 70 документов), 20 документов из которых были связаны с интересующей нас территорией. После этого, в ходе полевых работ были идентифицированы сооружения, упоминаемые в документах, и установлено их местоположение. Используя возможности современных технологий (при помощи аэрофотосъемки) нами был выявлен 31 памятник. Ортофотопланы, карты высот и топографические карты были сделаны на основе полученных базовых изображений.

Ներկայացվել է՝ 02.07.2022,
գրախոսվել է՝ 15.07.2022,
ընդունվել է տպագրության՝ 01.05.2023:


Լևոն Մկրտչյան

ԱՐԱՐԱՏՅԱՆ ԴԱՇՏԻ ՀՅՈՒՄԻՍՈՒՄ ԳՏՆՎՈՐ ԱՇՏԱՐԱԿԱՏԻՊ ԿԱՌՈՒՅՑՆԵՐԸ




Նկ. 1. Աշխարակների տարածման քարտեզը (կազմող՝ Լ. Մկրտչյան)

- | | | |
|----------------|-----------------|-----------------|
| 1. Մերձավան | 12. Ոսկեհայր 3 | 23. Ծաղկալանջ 6 |
| 2. Նորակերպ 2 | 13. Ոսկեհայր 4 | 24. Արագածորն 1 |
| 3. Նորակերպ 3 | 14. Աղափնապոն 1 | 25. Արագածորն 2 |
| 4. Ուլադիդիկ | 15. Արագած 1 | 26. Արագածորն 3 |
| 5. Արդար Դավիթ | 16. Արագած 2 | 27. Արագածորն 4 |
| 6. Այգեշար 1 | 17. Արագած 3 | 28. Շամիրամ 4 |
| 7. Այգեշար 2 | 18. Արագած 4 | 29. Շամիրամ 1 |
| 8. Լեռնամերձ 1 | 19. Արագած 5 | 30. Շամիրամ 2 |
| 9. Լեռնամերձ 2 | 20. Ծաղկալանջ 1 | 31. Շամիրամ |
| 10. Ոսկեհայր 1 | 21. Ծաղկալանջ 3 | 32. Արշալոյս 1 |
| 11. Ոսկեհայր 2 | 22. Ծաղկալանջ 4 | 33. Հայթաղ 1 |




Նկ. 2. Աշտարակների բարձրությունների եռաչափ քարտեզը (կազմող՝ Լ. Մկրտչյան)



Նկ. 3. Արարատյան դաշտի եռաչափ քարտեզը՝ աշտարակների տարածությունը (կազմող՝ Լ. Մկրտչյան)

Լևոն Մկրտչյան

ԱՐԱՐԱՏՅԱՆ ԴԱՇՏԻ ԶՅՈՒՄԻՍՈՒՄ ԳՏԵՎՈՐ ԱՇՏԱՐԱԿԱՏԻՊ ԿԱՌՈՒՅՑՆԵՐԸ



Նկ. 4. Արղար Դալիթի հանույթն ու հատակագիծը (կազմող՝ Լ. Մկրտչյան)



Նկ. 5. Լեռնամերձ 2-ի օրթոֆոտոսլանը (կազմող՝ Լ. Մկրտչյան)


Լևոն Մկրտչյան
ԱՐԱՐԱՏՅԱՆ ԴԱՇՏԻ ՀՅՈՒՄԻՍՈՒՄ ԳՏԼՎՈՂ ԱՇՏԱՐԱԿԱՏԻՊ ԿԱՌՈՒՅՑՆԵՐԸ



Նկ. 6. Աղաժխարուն 1
(լուսանկարը Լ. Մկրտչյանի)




Նկ. 7. Արշալույս 1 աշտարակը
(օդալուսանկարը Լ. Մկրտչյանի)



Նկ. 8. Ուլարտիրիի տեղահանություն ու հատակագիծը
(կազմող՝ Լ. Մկրտչյան)



Նկ. 9. Քարե կոտր Արդար Դավիթից
(լուսանկարը՝ Լ. Մկրտչյանի)



Նկ. 10. Պարտիզակ 1, նորահայր աշտարակը (լուսանկարը՝ Լ. Մկրտչյանի)

ՀԵՂԻՆԱԿՆԵՐ

Անանյան Հայարփի Գուրգենի

ՀՀ ԳԱԱ Հնագիտության և ազգագրության ինստիտուտի Արխիվի և արխիվի մշակման գ/հ խմբի ավագ լաբորանտ

ananyanhg@gmail.com

Անգելուշ Լուսինե Միքայելի

ՀՀ ԳԱԱ Հնագիտության և ազգագրության ինստիտուտի Էթնոսոցիոլոգիայի բաժնի ավագ լաբորանտ

lusineangelush@gmail.com

Գաբրիելյան Արմինե Արարատի

պատմական գիտությունների թեկնածու

ՀՀ ԳԱԱ Հնագիտության և ազգագրության ինստիտուտի Հին հնագիտության բաժնի գիտաշխատող

arminegabriel.iae@gmail.com

Դանիելյան Հենրիկ Ավագի

«Էրեբունի» պատմահնագիտական արգելոց-թանգարանի գիտաշխատող

henrikh.danielyan@gmail.com

Խաչատուրեան Յարութին Բիզանդի

Ճարտարագետ, անկախ հետազոտող, Փարիզ

ha.khatchadourian@free.fr

Հակոբյան Սմբատ Հակոբի

ՀՀ ԳԱԱ Հնագիտության և ազգագրության ինստիտուտի Մշակութային մարդաբանության բաժնի գիտաշխատող

smbat.hakobian@gmail.com

Հարությունյան Արսեն Էդուարդի

պատմական գիտությունների թեկնածու

ՀՀ ԳԱԱ Հնագիտության և ազգագրության ինստիտուտի

Վիճակագրագիտության բաժնի վարիչ / Մեսրոպ Մաշտոցի անվան

Մատենադարանի ավագ գիտաշխատող

ars.vimagraget@gmail.com

Մալոյան Արման Մանուկի

պատմական գիտությունների թեկնածու

«ԿԶՆԱԿ» հիմնադրամի՝ վերապատրաստման ծրագրերի, մշակման և վերապատրաստումների արդյունավետության գնահատման բաժնի պետ

armanmaloyan@mail.ru

Մատիկյան Համիկ Համլետի

բանասիրական գիտությունների թեկնածու

ՀՀ ԳԱԱ Շիրակի հայագիտական հետազոտությունների կենտրոնի գիտաշխատող / Շիրակի պետական համալսարանի դասախոս

hasvrej@mail.ru

Մարկոսյան Սալվինե Հակոբի

ՀՀ ԳԱԱ Հնագիտության և ազգագրության ինստիտուտի Սփյուռքի ուսումնասիրությունների բաժնի կրտսեր գիտաշխատող

salvi.markosyan@gmail.com

Միրիջանյան Դիաննա Հրաչյայի

պատմական գիտությունների թեկնածու

ՀՀ ԳԱԱ Հնագիտության և ազգագրության ինստիտուտի Միջնադարյան Հայաստանի հնագիտության բաժնի գիտաշխատող

dianamirijanyan@gmail.com

Մկրտչյան Լևոն Ալբերտի

ՀՀ ԳԱԱ Շիրակի հայագիտական հետազոտությունների կենտրոնի կրտսեր գիտաշխատող / «Պատմամանշակության արգելոց-թանգարանների և պատմական փյուռավայրի պահպանության ծառայություն» ՊՈԱԿ-ի գլխավոր մասնագետ

levoncultur@gmail.com

Շամամյան Նարինե Ալբերտի

պատմական գիտությունների թեկնածու

ՀՀ ԳԱԱ Հնագիտության և ազգագրության ինստիտուտի Ազգագրության բաժնի գիտաշխատող

dancenano@mail.ru

Ռամազյան Սամվել Մարտունի

բանասիրական գիտությունների թեկնածու

ՀՀ ԳԱԱ Հնագիտության և ազգագրության ինստիտուտի Բանագիտության բաժնի գիտաշխատող

sramaz@mail.com

Մարիբեկյան Մարիամ Գրիգորի

ՀՀ ԳԱԱ Հնագիտության և ազգագրության ինստիտուտի Վաղ հնագիտության բաժնի կրտսեր գիտաշխատող / Հայաստանի պատմության թանգարանի ֆոնդապահ

mariamgsaribekyan@gmail.com

Վարդանյան Բենիկ Վարդանի

Հայաստանի պատմության թանգարանի գիտաշխատող

vbenik@yahoo.com

Վարդանյան Նվարդ Խաչատուրի

բանասիրական գիտությունների թեկնածու

ՀՀ ԳԱԱ Հնագիտության և ազգագրության ինստիտուտի Բանագիտության բաժնի ավագ գիտաշխատող / Երևանի պետական համալսարանի դոցենտ

nvardv@yahoo.com

Փալանջյան Ռուզան Սուրենի

պատմական գիտությունների թեկնածու

ՀՀ ԳԱԱ Հնագիտության և ազգագրության ինստիտուտի Հին հնագիտության բաժնի կրտսեր գիտաշխատող

ruzanpal@gmail.com

ՀԱԱԳԻՏՈՒԹՅԱՆ
ԵՒ
ԱԶԳԱԳՐՈՒԹՅԱՆ
ԻՆՍՏԻՏՈՒՏԻ
ԱԾԽԱՏՈՒԹՅՈՒՆՆԵՐ
5

Սրբագրիչ՝ Անժելա Ամիրխանյան
Ռուսերենի և անգլերենի սրբագրիչ՝ Դիանա Զարդարյան
Ձևավորում և էջադրում՝ Արտակ Հարությունյան

